

Broj: 01-34-1-683/17
Sarajevo, 10.11.2017.god.

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
BIHAĆ

BR. PRIJEDLOGA: 17-11-2017

Broj prijedloga	Person. broj	Broj prijedloga
034-49-11813-2/17		

**VLADA UNSKO-SANSKOG KANTONA
RADNO TIJELO VLADE UNSKO-SANSKOG KANTONA
ZA BORBU PROTIV KORUPCIJE
BIHAĆ**

-Na broj:03/4-49-11813-1/17 od 31.10.2017.-

P r e d m e t : Odgovor na vaš prijedlog i sugestiju,

Agencija za državnu službu Federacije BiH zaprimila je vaš akt, broja i datuma kako je gore navedeno, u kojem su sadržane vaše sugestije vezano za program ispita općeg znanja i stručnog ispita, konkretno da program obuhvati i oblasti koje se odnose na poznavanje protukoruptivnog zakonodavstva i borbe protiv korupcije.

Cijenimo i zahvalni smo na vašim sugestijama i prijedlozima te vas obavještavamo o sljedećem:

Trenutno u Agenciji za državnu službu Federacije Bosne i Hercegovine, provode se aktivnosti na izmjeni i dopuni Uredbe o uslovima, načinu i programu za polaganje ispita općeg znanja i stručnog ispita za kandidate za državnu službu u Federaciji Bosne i Hercegovine, ("Službene novine Federacije BiH", br. 69/06, 78/06, 63/08, 27/14 i 69/17) tačnije Programa polaganja ispita općeg znanja za državne službenike, kao sastavnog dijela pomenute uredbe, i u namjeri smo u isti uvrstiti i naprijed pomenutu oblast. Uporedo sa pomenutom aktivnošću provodi se i revidiranje baze pitanja iz koje se, elektronskim putem, vrši odabir pitanja za ispit općeg znanja tako da će biti utvrđena i pitanja iz oblasti protukoruptivnog zakonodavstva i oblasti borbe protiv korupcije.

Što se tiče provođenja stručnog ispita ukazujemo na član 30. Zakona o državnoj službi u Federaciji BiH ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12) kojim je propisano da Komisija za izbor provjerava i bira kandidate na osnovu profesionalnih sposobnosti procijenjenih putem javnog konkursa, a članom 21. navedene Uredbe da se pitanja iz pismenog dijela stručnog ispita odnose na oblast i vrstu poslova kojoj pripada radno mjesto na koje kandidat konkuriše tako da Komisija za izbor, prije provođenja stručnog ispita, utvrđuje tematske oblasti iz propisa i utvrđuje pitanja za stručni ispit, u skladu sa opisom poslove radnog mjesta za koje se raspisuje javni konkurs.

Shodno odredbama člana 26. navedene uredbe, na usmenom dijelu stručnog ispita pitanja, koja također utvrđuje Komisija za izbor, imaju za cilj da utvrde stepen znanja i

sposobnosti kandidata za obavljanje poslova konkretnog radnog mjesta, sklonost kandidata za timski rad i usvajanje novih znanja vezano za određeno radno mjesto, djelatnost organa na koju se javni konkurs odnosi, kao i oblasti državne uprave, državne službe i drugih oblasti koje mogu biti u vezi sa radnim mjestom.

Iz prednjeg proizilazi da se pitanja na stručnom ispitu odnose isključivo na određeno radno mjesto, a radi provjere sposobnosti kandidata za obavljanje poslova konkretnog radnog mjesta na koje se prijavio, međutim to ne znači da Komisija za izbor nema mogućnost da utvrdi i pitanja iz oblasti protikoruptivnog zakonodavstva i borbe protiv korupcije posebno imajući u vidu naprijed citiranu odredbu u dijelu koji govori o utvrđivanju pitanja iz drugih oblasti koje mogu biti u vezi sa radnim mjestom.

S poštovanjem,

DOSTAVLJENO:

- Naslovu
- u spis
- a/a



V.D. DIREKTOR
Refik Begić, magistar uprave